




Bosna i Hercegovina  
**Regulatorna agencija za komunikacije**  
Босна и Херцеговина  
**Регулаторна агенција за комуникације**  
Bosnia and Herzegovina  
**Communications Regulatory Agency**



Na osnovu člana 40. stav (2) Zakona o komunikacijama ("Službeni glasnik BiH", broj 31/03, 75/06, 32/10 i 98/12) i Odluke o raspisivanju Javnog konkursa za izbor generalnog direktora Regulatorne agencije za komunikacije broj: 02-07-3-769-1/24, usvojene na 80. sjednici Vijeća Regulatorne agencije za komunikacije, održanoj 16.05.2024. godine, Vijeće Regulatorne agencije za komunikacije Bosne i Hercegovine objavljuje

## **JAVNI KONKURS ZA IZBOR GENERALNOG DIREKTORA REGULATORNE AGENCIJE ZA KOMUNIKACIJE**

**Direktor Regulatorne agencije za komunikacije .....1 izvršilac**

### **1. Osnovne dužnosti generalnog direktora Regulatorne agencije za komunikacije (u daljem tekstu: Agencija) obuhvataju:**

- Rukovođenje Agencijom i strateško usmjeravanje sektora Agencije;
- Zastupanje i predstavljanje Agencije;
- Planiranje budžeta i efikasno korištenje finansijskih sredstava;
- Dosljedno provođenje Zakona o komunikacijama i drugih relevantnih zakona;
- Rješavanje predmeta koji se tiču povreda uvjeta dozvola i pravila koja je donijela Agencija, kao i izricanje odgovarajućih mjera i sankcija;
- Uspostavljanje i održavanje profesionalnih standarda u sektoru komunikacija u BiH, u skladu sa regulatornim principima emitiranja i telekomunikacija propisanim Zakonom o komunikacijama;
- Uspostavljanje i održavanje konkurentskog tržišta u svim odgovarajućim aspektima telekomunikacija i emitiranja;
- Osiguravanje da Agencija istovremeno prati ekonomski, tehnički i operativni razvoj u područjima koja spadaju u djelokrug Agencije - od telekomunikacija i emitiranja preko internet usluga do profesionalnih mobilnih radiosistema;
- Promoviranje ekonomske koristi razvoja BiH u uvjetima tržišno orijentiranih usluga telekomunikacija i emitiranja, u BiH i izvan BiH.

Generalnog direktora predlaže Vijeće Agencije, a potvrđuje Vijeće ministara BiH u roku od 30 dana nakon podnošenja prijedloga, posebno vodeći računa o članu 36. stav 4. Zakona o komunikacijama. Zvaničnici na zakonodavnim ili izvršnim funkcijama na svakom nivou vlasti ili članovi tijela političkih stranaka ne mogu se predložiti za generalnog direktora. Generalni direktor nema nikakve finansijske odnose s operatorom telekomunikacija ili emiterom.

### **2. Mandat**

Mandat generalnog direktora je četiri godine i može biti ponovo imenovan samo na još jedan mandat.

### **3. Opći uvjeti**

**Kandidat za generalnog direktora Agencije mora ispunjavati sljedeće opće uvjete:**

- da je stariji od 18 godina;
- da je državljanin Bosne i Hercegovine;
- da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem, u skladu s krivičnim zakonima u Bosni i Hercegovini;
- da nije obuhvaćen odredbom člana IX stav 1. Ustava Bosne i Hercegovine;
- da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana objavljivanja upražnjene pozicije;
- da nije izabrani zvaničnik ili nosilac izvršnih funkcija na bilo kojem nivou vlasti, u smislu Zakona o sukobu interesa u institucijama vlasti Bosne i Hercegovine ili član tijela političkih stranaka.

### **4. Posebni uvjeti**

**Kandidat za generalnog direktora Agencije mora ispunjavati sljedeće posebne uvjete:**

- visoka stručna sprema, VII stepen - završen fakultet tehničkih ili društvenih nauka;
- najmanje 5 godina radnog iskustva u struci, posebno u oblasti telekomunikacija, odnosno u oblasti emitovanja, od čega 3 godine na rukovodećim poslovima;
- znanje engleskog jezika;
- poznavanje rada na računaru.

**Pored ispunjavanja posebnih uvjeta, poželjno je da kandidati za generalnog direktora imaju:**

- izražene operativne i organizacijske sposobnosti;
- razumijevanje načina stvaranja javne politike i oblikovanja iste sa aspekta regulacije i normative;
- poznavanje tehnoloških, ekonomskih i pravnih aspekata oblasti rada regulatornih tijela;
- poznavanje principa i prakse reguliranja telekomunikacija na domaćem i međunarodnom tržištu;
- poznavanje principa i prakse reguliranja radio-televizijskog emitiranja na domaćem i međunarodnom tržištu;
- poznavanje principa i prakse reguliranja upravljanja radiofrekvencijskim spektrom na domaćem i međunarodnom nivou;
- sposobnost usmjeravanja i motiviranja timova osoblja različitih profesija;
- sposobnost rada pod pritiskom, ispunjavanja rokova i određivanja prioriteta po zahtjevu;
- izraženu sposobnost podsticanja i učestvovanja u argumentiranoj i taktičnoj komunikaciji sa saradnicima, kao i u javnim nastupima na medijima i na konferencijama, u BiH i inostranstvu;
- iskustvo aktivnog učestvovanja na međunarodnim skupovima.

### **5. Potrebni dokumenti**

**Uz potpisanu prijavu na Javni konkurs, kandidati su dužni priložiti:**

1. Biografiju sa adresom i kontakt telefonom;

2. Uvjerenje o državljanstvu (ne starije od 6 mjeseci);
3. Fakultetsku diplomu (nostrifikovanu diplomu ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine odnosno, za kandidate koji su visoko obrazovanje stekli po Bolonjskom procesu studiranja uz fakultetsku diplomu i dodatak diplomi; izuzetno, samo u slučaju da visokoškolska ustanova dodatak diplomi nije uopšte izdavala ni za jednog diplomca, kandidat je dužan da uz ovjerenu kopiju fakultetske diplome dostavi uvjerenje visokoškolske ustanove da dodatak diplomi nije uopšte izdat ni za jednog diplomca);
4. Dokaz o traženom radnom iskustvu u struci, posebno u oblasti telekomunikacija, odnosno u oblasti emitovanja i traženom radnom iskustvu na rukovodećim poslovima (potvrda ili uvjerenje);
5. Uvjerenje da se protiv njega ne vodi krivični postupak (ne starije od 3 mjeseca);
6. Izjavu da nije otpušten iz državne službe u institucijama BiH, odnosno entiteta, kao rezultat disciplinske mjere u periodu od tri godine prije dana objavljivanja upražnjene pozicije (ovjerena od strane nadležnog organa);
7. Izjavu da se na njega ne odnosi član IX stav 1. Ustava BiH (ovjerena od strane nadležnog organa);
8. Izjavu da nije izabrani zvaničnik ili nosilac izvršnih funkcija na bilo kojem nivou vlasti, u smislu Zakona o sukobu interesa u institucijama vlasti Bosne i Hercegovine, niti član tijela političkih stranaka (ovjerenu od strane nadležnog organa);
9. Izjavu kandidata da nema nikakve finansijske odnose s operatorom telekomunikacija ili emiterom i kojom prijavljuje svaki eventualni drugi interes u odnosu na operatora telekomunikacija ili emitera (ovjerenu od strane nadležnog organa);
10. Izjavu kandidata o znanju engleskog jezika i poznavanju rada na računaru (ovjerenu od strane nadležnog organa).

**Dokumenti se dostavljaju u originalu ili ovjerenoj kopiji.**

## **6. Podnošenje prijava**

Javni konkurs se objavljuje u „Službenom glasniku BiH”, „Službenom glasniku Brčko distrikta BiH” te u dnevnim novinama: „Nezavisne novine”, „Večernji list”, „Dnevni avaz” i na web stranici Agencije [www.rak.ba](http://www.rak.ba).

Javni konkurs ostaje otvoren 28 (dvadeset osam) dana od dana posljednje objave u dnevnim novinama, odnosno „Službenom glasniku BiH” ili „Službenom glasniku Brčko distrikta BiH”.

Prijave sa traženim dokumentima podnose se lično ili dostavljaju preporučenom pošiljkom na adresu:

**Regulatorna agencija za komunikacije**  
**Mehmeda Spahe br. 1, 71 000 Sarajevo, sa naznakom:**  
**„Prijava na Javni konkurs za izbor generalnog direktora Regulatorne agencije**  
**za komunikacije - NE OTVARATI”.**

Svi kandidati koji ispunjavaju uvjete Javnog konkursa biće pozvani na intervju od strane Komisije za izbor.

Neblagovremene, nepotpune i neuredne prijave neće biti uzete u razmatranje.

Predsjedavajući Vijeća Agencije

Broj: 02-07-3-769-2/24  
Sarajevo, 17.05.2024. godine



Miloš Šolaja